

氣調後疏

卷二

運氣論與疏鈔卷之三

難波津

後學

松下見林

著

目錄

論十干第二

論十二支第三



十干之圖



論中曰中央
戊巳而圖中
列戊巳於丙
丁庚辛之間
者蓋土主於
中央兼位西
南也

論十干第二

十干十二支之始

通鑑前編黃帝紀曰命大撓黃帝之甥作

甲子

外紀曰帝命大撓探五行之情占斗剛所建

始作

甲子甲乙丙丁戊己庚辛壬癸謂之幹子丑寅

卯辰巳午未申酉戌亥謂之枝枝幹相配以名目而

定之以納音

呂氏春秋曰黃帝師大撓

徐整

五曆紀曰天皇氏制十干十二支之名以定歲之所

在其歲紀以攝提為首

歷朝通鑑粹論曰嗣後天

皇氏出名曰天靈澹泊無為而俗自化始制干支之

名據粹論天皇氏者嗣盤古氏繼世君也△干支

之義邵子皇極經世書觀物外篇上曰陽數一衍

之為十十干之類是也陰數二衍之為十二十二支

十二月之類是也

張氏衍義曰天統其全故陽數一

衍之為十地分乎用故陰數二衍之為十二十者全

數六者用數也二五為十天之十者一而二也二二

為六地之十二者二而四也

又曰干者幹之義陽

也支者枝之義陰也干十而支十二是陽數中有陰

陰數中有陽也

補註乙丁巳辛癸陽數中有陰也子寅辰午申戌陰數中有陽也

寅辰午申戌陰數中有陽也

△愚按邵子之意以干

為陽數故曰幹之義以支為陰數故曰枝之義幹木

之身而枝葉所依以立者枝附幹而旁生者一奇一

耦陰陽之象也△按史記律書十干作十母十二支

作十二子評林楊慎云十干為母十二支為子干屬

天支屬地干為

歲陽支為歲陰

天氣始於甲干地氣始於子支者乃聖人究乎陰陽重

輕之用也

自此以下四節此篇序分○天氣始於甲干地氣始於子支△素問六微旨大論岐伯曰

天氣始於甲地氣始於子子甲相合命曰歲立謹候

其時氣可與期△張註天氣有十干而始於甲地氣

有十二支而始於子子甲相合即甲子也干支合而

六十年之歲氣立歲氣立則有時可候有氣可期矣

△醫學綱目四十二天氣始於甲地氣始於子者求位

有終始之法也言天地之氣皆自甲子歲始求之者

謹按其始終之時則其氣候之至可與之期也△一
說此篇不拘於經文用下着干字子下着支字十二
支篇亦曰甲之干子之支乃以十干爲甲干十二支
爲子支蓋各以其居首者稱之也△十干爲天氣十
二支爲地氣見洪範皇極內篇及易蒙引俱列下○
者△韻會凡文有者字所以爲分別隔異也△助語
辭曰有者前也後者舉其說於前也釋其意於後以
應之△者字以下十三字廣言聖人制十干十二支
之本原○聖人△白虎通曰聖人者何聖者通也道
也聲也道無所不通明無所不照聞聲知情與天地
合德日月合明四時合序鬼神合吉凶禮別名記曰
五人曰茂十人曰選百人曰俊千人曰英倍英曰賢
萬人曰傑萬傑曰聖△此篇聖人指大撓或以爲天
皇氏亦通○究△字彙推尋也○陰陽△天地之陰
陽△事物紀原一春秋內事曰伏羲氏定天地分陰
陽△釋名曰陰陰氣在內與陰也陽陽也氣在外發
揚也○重輕△陰陽之質△易繫辭本義曰大抵陽
先陰後陽施陰受陽之輕清未形而陰之重濁有迹

也○用△功用△十干天也陽數也十二支地也陰數也又陽數中有陰陰數中有陽無不擬之於天地陰陽之理故曰究乎陰陽重輕之用○洪範皇極內篇中卷朱子曰天數中於五地數中於六天有陰陽故二其五爲一十合二與七一與九亦十也地有柔剛故二其六爲一十二合四與八二與十亦十二也十爲二十十一爲支十干者五行有陰陽也十二支者六氣有柔剛也十干實五行也十二支實六氣也五行六氣實一氣也清濁未判乃天地之所以立上下定位又萬物之所以生故自體言之則對待而不可缺自用言之則往來而不可窮蓋造化之幾微聖人之能事也補註天之十干五干陽五千陰也地之十二支六支剛六支柔也以陰陽對待言之謂之體以陰陽往來言之則謂之用也

著名以彰其德立號以表其事

此二句對言命十干十支之名如於干甲乙於支子丑之類○彰其名彰其德彰韻會明也△其者指陰陽而言△德功德

○立號△號與名互_ニ文_ヲ亦十_ニ支_ノ之名也△史
記衛青傳曰大將軍立號而歸△春秋繁露十卷曰
是非之正取_リ之逆順逆順之正取_リ之各號各號之正
取_リ之天地天地爲名號之大義也古之聖人謫而效_ニ
天地謂之號鳴而命施謂之名名之爲言鳴與命也
號之爲言謫而效_ニ天地者爲號鳴而命者爲名名號
異聲而同_ス本皆名號而達_ニ天意者也○表其事△表
玉篇明也標也△其者亦指陰陽也△事事業△釋
名曰事偉也偉立也凡所立之功也△愚按陰陽之
一氣一消一息而四時行百物生焉此爲其德爲其
事聖人立名義於十_ニ支_ノ曰甲曰乙曰丙曰丁曰戊曰
巳曰庚曰辛曰壬曰癸於十二_ニ支_ノ曰子曰丑曰寅曰
卯曰辰曰巳曰午曰未曰申曰酉曰戌曰亥皆擬之
於造化也其名義詳見本書下文及史漢傳記等

由是子甲相合然後成其紀遠可步於歲而統六十年

近可推於日而明十二時歲運之盈虛氣令之早晏萬

物生死將今驗古咸得而知之

此節與次節贊十千十
二支之德也○子甲相

合△六微旨大論張註子甲相合即甲子也○然後
△助語辭曰然後既如此了方乃如此○成其紀△
其者指十千十支而言△後漢書律歷志下曰終
六旬謂之紀△廣韻紀極也○步△鄭玄尚書大傳
注曰步推也○統△字彙總也攝理也○六十年△
十千十支之一大周始於甲子終於癸亥也○推
△字彙尋繹也○明△字彙辨也○十時△一日
之中有十二時十支之所主也十千亦分主十支
時因日而所起不同見星宗大全在月建鈔中○歲
運△年年之五運○盈虛△六元正紀大論帝曰六
位之氣盈虛何如岐伯曰太少異也太者之至徐而
常少者暴而亡張註六陽年謂之太六陰年謂之少
太者氣盈故徐而常少者氣虛故暴而亡○氣令△
四時之氣令△又六氣之化令○早晏△六元正紀
大論帝曰四時之氣至有蚤晏高下左右其候何如
岐伯曰行有逆順至有遲速故太過者化先天不及

者化後天馬註四時之氣有早晏者以太過之運則
先天而至不及之運則後天而至也△又六微旨大
論有六氣蚤晏見目刻篇○萬物生死△十千十二
支陰陽而已四時之中陰去陽來則物生陽去陰來
則物死又因干支而運氣成運氣成而有物變蓋萬
物生死莫不由乎此△四氣調神論曰陰陽四時者
萬物之終始也死生之本也△天元紀大論曰五運
陰陽者天地之道也萬物之綱紀變化之父母生殺
之本始神明之府也○將令驗古咸得而知之△將
字彙卽也△驗增韻考視也△氣交變大論曰善言
舌者必驗於今○此言以十千十二支推歲月日時
又因干支而運氣成然運有盈虛氣有早晏爲萬物
之終始死生之本聖人推而次之流於無極故
以來今證之於往古皆有效驗咸可得而知也

非特是也將攷其細而知人未萌之禍福明其用而察

病向往之死生則精微之義可謂大矣哉
非特是也△
受上下一節言

干支之德惟非斯而已矣○其細△其者指干支而
 言△細謂理之微妙○未萌△史記六十八商君列
 傳曰愚者闇於成事知者見於未萌△文選三十九
 司馬長卿上書諫獵蓋聞明者遠見於昧萌而智
 者避危於無形呂向注萌始△同四十四鍾士季擬
 蜀文曰智者規福於未萌良處士注萌初生也△知
 人未萌之禍福者以十干十二支吉凶禍福皆可得
 而前知也曲禮曰外事以剛自內事以柔自陳氏集
 說甲丙戊庚壬爲剛乙丁己辛癸爲柔大全廣安游
 氏曰外事以剛自內事以柔自此謂順其陰陽也聖
 人之治天下本之以自然行之以至順如此而已三
 才之道在天爲陰陽在地爲柔剛在人爲仁義仁者
 陽與剛之屬也義者陰與柔之屬也古人以是二端
 盡三才之理然是二者不可以交相離也柔者從陰
 剛者從陽外者從剛內者從柔此謂自然而至順者
 也詩曰吉日維戊又曰吉日庚午此以剛自及支之
 屬陽者爲吉日今依此法推之則剛自支亦陽柔日
 支亦陰夫事有外內故有宜剛曰者有宜柔曰者各

以其所宜爲吉日順之則吉逆之則凶禍福之所以
相生也又陰陽家擇吉日良辰凡事皆有宜忌如種
竹有所宜日多取辰且山谷詩所謂竹須辰日屬笋
看土番成是也非此日移之多不活按曆法通書種
時諸穀栽植諸木各有吉日如種蔣宜除滿平成
收開且栽植亦宜此等日而忌乙日是也廢物之栽
種尚要得好時日而況人事乎其術亦出於支干此
知人未萌之禍福之謂○向往△猶言向後也△論
語八佾篇子曰帝自既灌而往者吾不欲觀之矣何
晏集解既灌之後△正蒙曰往之爲義有已往有方
往臨文者不可不察△文選四十二曹子建與楊德
祖書今往僕少小所著辭賦一通△同四十六陸士
衡豪士賦序適此以往惡觀其可△察病向往之死
生者言由十干十二支而有五運六氣人之疾病所
感多端或感於五運六氣依內經運氣諸篇求其理
則豫可以知之決死生也△論六病文曰或當歲有
病而非歲氣者亦須原其所感形證脉候未必盡爲
氣運所作△儒門事親卷之十四運氣歌曰病如不

是當年氣看與何年運氣同。只向某年末治法方知。都在至真中。△又按靈樞經脉篇難經二十四難曰。手太陰氣絕者丙篤。丁死。手少陰氣絕者壬篤。癸死。足太陰氣絕者甲篤。乙死。足少陰氣絕者戊篤。己死。足厥陰氣絕者庚篤。辛死。此言五陰氣絕死期常在所勝之日。素問平人氣象論曰。肝見庚辛死。心見壬癸死。脾見甲乙死。肺見丙丁死。腎見戊己死。是謂真藏見。皆死。此言真藏脉見者遇克賊之日而死。藏氣法時論曰。肝病者愈在丙丁。丙丁不愈。加於庚辛。庚辛不死。持於壬癸。壬癸起於甲乙。心病者愈在戊己。戊己不愈。加於壬癸。壬癸起於丙丁。脾病者愈在庚辛。庚辛不愈。加於甲乙。甲乙不死。持於丙丁。起於戊己。肺病者愈在壬癸。壬癸不愈。加於丙丁。丙丁不死。持於戊己。起於庚辛。腎病者愈在甲乙。甲乙不愈。甚於戊己。戊己不死。持於庚辛。起於壬癸。此以天干內應五藏。知死生之期。言愈於制勝已者。時加於勝已之日。得所生執持無害。逢其王起也。刺熱篇曰。用熱病者。庚辛甚。甲乙大汗。氣逆則庚辛死。心

熱病者，壬癸甚，丙丁大，汗氣逆，則壬癸死，脾熱病者，甲乙甚，戊己大，汗氣逆，則甲乙死，肺熱病者，丙丁甚，庚辛大，汗氣逆，則丙丁死，腎熱病者，戊己甚，壬癸大，汗氣逆，則戊己死，此言五藏熱病被尅之日甚，且死，所王之日汗而愈，今觀諸篇所論以十干知死生之期，乃五行當然之理也，蓋言干則支在其中矣，此亦察病向往之死生之謂，○精微△中庸曰：致廣大而盡精微，蒙引：精微，其理之散於事者，△禮記經解：繫靜精微，易教也，△精微之義者，十干十二支微妙之義理也，○大矣哉，△易彖傳：多大矣哉，字本義曰：極言而贊其大也，△文選：四十九干，今升晉紀論良注：大矣哉，言此義廣大不可得言也，○以上一篇之序。

是以東方甲乙南方丙丁西方庚辛北方壬癸中央戊

己五行之位也

此言十干之方位，○是以△說文以用也，△助語辭曰：於是，是用，此二字

在句首，自爲一讀，承上文，旣已如此，故今如此，云○東方甲乙南方丙丁西方庚辛北方壬癸中央戊己

△星宗大全卷之一方位東方甲乙寅卯木南方

方丙丁巳午火中央戊己辰戌丑未土西方庚

辛申酉金北方壬癸亥子水○五行之位也△此

五行者謂十干之五行△天元紀大論曰天有五行

御五位以生寒暑燥

濕風張註位方位也

蓋甲乙其位木行春之令甲乃陽內而陰尚包之草木

始甲而出也乙者陽過中然未得正方尚乙屈也又云

乙軋也萬物皆解乎甲自抽軋而出之自此以下言十

造化生氣之可見者莫先於草木故以草木解義

或問十干者天之陰陽然以地道草木言之何也曰

陰陽寒暑生殺榮悴一出於天而地但聽命焉方其

煖然為春地亦與之為春也及其凄然為秋地亦與

之為秋也中庸曰天之生物必因其材而篤焉故栽

者培之傾者覆之易曰天地變化草木蕃以此觀之

則以草木言十干之義何疑之有○蓋△助語辭曰發語之端用一蓋字即是大凡之意○其位木△位上文五行之位之位○行春之令△禮記月令孟春之月仲春之月季春之月俱言其日甲乙集說春於四時屬木日之所繫十干循環獨言甲乙者木之屬也四時皆然△令時令△書言故事時令類註時期也令命令也陰陽消長之期猶命令也○陽內而陰尚包之△言春陽氣在地中陰氣尚盛在外如包裹之然○草木始甲而出也△甲乎甲之甲△字彙草木初生之孳子也△三體詩皮日休題元達上人種藥詩緝芽紅甲兩三畦△出字彙生也○陽過中△乙甲之次陽氣已過中分也○正方△素問診要經終篇曰三月四月天氣正方地氣定發張註正方謂時氣正升歲事正新也△甲乙行春之令經曰三月四月天氣正方三月是晚春尚甲乙之所主而此篇謂乙未得正方者槩言之耳○乙屈△氣之不伸也△韻府爾雅云魚腸謂之魚乙魚乙必自腸形屈如乙字△禮記內則曰魚去乙集說魚體中有骨如篆乙

之形去之爲鯁人也△京房易傳曰乙屈也○又云
△篇內繩又云者禮記月令鄭康成註文也○解乎
甲△接下句抽軋而出之訓乙內乎甲二字甲註也
此鄭氏之意又依釋名解乎甲三字皆甲之訓釋名
曰甲乎也萬物解乎甲而生也△解字彙脫也△乎
甲說文甲位東方之孟陽氣萌動从木戴乎甲之象
徐鍇註乎猶葭莩殼籜也○抽軋而出之△鄭註無
之字△文選十七陸士衡文賦曰思軋軋其若抽呂
延濟注軋軋難進也李善注軋軋作乙乙乙抽也
△對類抽枝條細生上長○鄭氏曰乙之言軋也日
之行春東從青道發生萬物月爲之佐時萬物皆解
乎甲自抽軋而出因以爲日名焉乙不爲月名者君
統臣功也△正義曰乙軋
聲相近故云乙之言軋也

丙丁其位火行其之令丙乃陽上而陰下陰內而陽外
丁陽其強適能與陰氣相丁又云丙炳也萬物炳然著